



Cheikh Moussa Ka

**XARNUBI | SEEX MUUSAA KA WEREKAANU BAMBÀ**

Aji-Taalif Ji

**XARNU BI** : *Seex Muusaa Ka Werekaanu Bàmba* (Yalna ngërëmul Yàlla ñeel leen) woy ko ci atum 1929, ndeysaan! Doon jamono ju taroon lool, ñàkk ab dund, mbay mu doxul, taw amul, ñàkk xalis, muy jamono ju naqari wallaahi! Jaam ñi yooy, tumurànke, xiif, jaaxle te soxla ndimbël lool, ba tax Werekaan wi jël xalimaam woo Yàlla ci barkeb Sëriñam bi mu yaakaar ni Yàlla man na léen a wallu ci barkeem, te def ko nag ci cakkutéeful Sëñ Daam Abdu Rahmaan Lóo ak i mag i taalibeem. Ba tax mu naan :

« *Awma màqaamam di la woo / Waaye mutiid yi ñoo ma woo / Ni tawatal te bu ñu woo / Saw làmmiñay wow xarnu bi.* »

Muni: « *waaye muriit yi ñoom a woo, ni tawatal te bu ñu woo.* » Bu ñu woo [maanaam] kon woowal Yàlla ci barkeb Sunu Sëriñ.

Muy woy wu Yàlla nangu it ndax waxees nani: ba mu noppee ci woy wi la jawal ca Barabu Sëriñ Tuubaa jàng ko fa, te fekkoon toogees na diir bu yàgg tawul, gàncax gi loof, niki mu ko yuuxoo ci woy wi, waaye ba mu jàngee woy wi ci Barabu Sëriñ Tuubaa bay génn, dees koo wutal lumu seeloo ndax taw bu bari.

Loolu dey manees na ko jàppe firnde ci nangu gu Yàlla nangu woy wi, ngir loolu moo doon dàttub séen tawat.

Waaye ginnaaw nangug woy wi yit, taar beek woyiin wee gënatee yéeme, ci bees ko tëkkalee ak woykat yi ci Araab mbaa sax weneen làkk.

Ci nimu tënkoo ci saart i woy ak i tërëliinam, sàmmoonte ak galan (bahru) bi mu tànn, matal nattun yi (awzaan), jotale (balaaxa) te leer nàññ (bayaan ak ma`anii), boole ci xoromu lool.

Yéeme na! Ni mu woyee woy wi, xamni bees koy déglu, man di yëg mettitu jamono ja, ak it aal ji mu ko doon woyee, lépp mu dëxëñaale ko ci woy wi, ba manees ko cee fekk. Loolu nag di nu won nooyug Wolof.

Ginnaaw taar bi yit nimu féenalee woomug Wolof ak sàmmoonte ak nos-wax (lëgg-lëgg/grammaire) ci woy wi yéeme na, ba lees ci man a jële ci ay baati Wolof, ak nosiinu baat yi, duun na lool, kon daal kuy yëggu ci suqali wolof mbaa yitte woo Wolof war gaa sant Seex Muusaa Ka, Yàl nanu ko Yàlla, aji-màgg ji, fayal ci barkeb Seexul Xadiim Sëriñam.

### **BISMI-L-LAAHI AR-RAHMAANI AR-RAHIIMI**

«**Wa iza sa-alaka' ibaadii' annii fa-innii qariibun ajiibu da' wata-d-dii' ii, iza da' aanii fa-ajib da' wata. rabbi innii lima anzelta ilayya min xayrin faqiiirun rabbi yassir walaa tu' assir**».

Sëriñ bi noo gi deeti ñ <b>aan</b>	Faqiir dafay nangoo daga <b>aan</b>	Nangul nu lépp lu nu ñ <b>aan</b>	Ndax Yàlla naatal <b>XARNU BI</b>
Noongi dangaan ci Musta <b>faa</b>	Ma nekk marwat'ak sa <b>faa</b>	Ak àqi amdi Musta <b>faa</b>	Mi Yàlla jébbal <b>XARNU BI</b>
Ak àqi mboolem ay rakk <b>am</b>	Ak àqi séen baay yi ñu <b>am</b>	Ak àqi seex yi Bàmba <b>am</b>	Ndax Yàlla naatal <b>XARNU BI</b>
Mboolem muriid yépp a ngi tuu <b>b</b>	Tey réccu bàkkaar yi nu joo <b>b</b>	Ba lu nu bay-bay, du nu góo <b>b</b>	Sëriñ bi geesul <b>XARNU BI</b>
Mbàkke, dangay boroom i mbóo <b>t</b>	Te sag njaboot tawat gilóo <b>t</b>	Ñu def ma ab àntarparee <b>t</b>	May làpputoo waa <b>XARNU BI</b>
Aw ma màqaamam di la <b>woo</b>	Waaye muriid yi ñoo ma <b>woo</b>	Ni tawatal te bu ñu <b>woo</b>	Saw làmmiñay wow <b>XARNU BI</b>
Tay jii ma wax bani ta <b>reet</b>	Ngir yaa ma def antarpa <b>reet</b>	Yaa fab i xam-xam ne yu <b>reet</b>	Ci sama xol, ci <b>XARNU BI</b>
Te bul ma tanxamlu ci ñ <b>aan</b>	Ngir lii ma bon tey ku a <b>ñaan</b>	Muriid yi yépp a la ko <b>ñaan</b>	Ngir bëgg a dekkal <b>XARNU BI</b>
Jooj i perantal la nu <b>jooj</b>	Boo nu fabul, lee nu ni <b>wooy</b>	Ku nuy yafal, ban def i <b>kooy</b>	Mu dellu naatal <b>XARNU BI</b>
Jis u nu baay te noo ngi ra <b>am</b>	Ku ñàkk yaay, day nàmpu ma <b>am</b>	Buural te boot nu, ngalla da <b>am</b> !	Roggani mboolem <b>XARNU BI</b>
Fabal sa doom yi yépp <b>boot</b>	Ñoom it ñu boot séenug nja <b>boot</b>	Ku manta boot nga jox ko m <b>boot</b>	Ndax Yàlla naatal <b>XARNU BI</b>
Te fab muriid yi sutura <b>aal</b>	Mottali jàkk a jii nu <b>naal</b>	Foo toll dolli séen ala <b>aal</b>	Ndax Yàlla naatal <b>XARNU BI</b>
Ndax Yàlla amdi Musta <b>afaa</b>	Tabax jumaa-i Musta <b>afaa</b>	Bam tol ni marwata'ak sa <b>afaa</b>	Ndax Yàlla naatal <b>XARNU BI</b>
Boolem muriid yépp a ngi <b>jooj</b>	Ngir luñu bay-bay mu dal di <b>gooj</b>	Ba séen i àddiya'a ngi <b>booy</b>	Sarax nu naatal <b>XARNU BI</b>
Jamono jaa ngi xiif a xi <b>if</b>	Luñ togg, bar gi ni ko fu <b>if</b>	Seex Bàmba, neel ngën ji mbindée <b>f</b>	Mu dellu naatal <b>XARNU BI</b>
Xiif tax na, ñenn mag ñi <b>yooj</b>	Xiif tax na, gor su ndaw si <b>jooj</b>	Xiif tax na, yenn tool yi <b>booy</b>	Sëriñ bi geesul <b>XARNU BI</b>
Taxna, ña daa joxee ngi <b>laaj</b>	Ñii ñépp séen i sas di <b>xaaj</b>	Ken dóotu dem fenn ba wa <b>aaj</b>	Sëriñ bi geesul <b>XARNU BI</b>
Xam nañ ni yaa nu daa tawa <b>al</b>	Daanu bayal, daanu ñor <b>al</b>	Daanu roñal, daanu dagg <b>al</b>	Feesal nga sàqi <b>XARNU BI</b>
Sa yërmandee nu daa defa <b>l</b>	Lu xel dajul, daanu dëf <b>l</b>	Daanu tibbal, daanu lee <b>l</b>	Reggal nga mboolem <b>XARNU BI</b>
Sa yërmandee nu daa sana <b>l</b>	Jigéen ña, yaa nu daa ama <b>l</b>	Tay ñépp a yam ken amatu <b>l</b>	Sëriñ bi geesul <b>XARNU BI</b>
Ñoo séen i sag sàggi <b>ku na</b>	Ñoo séen i gaay dàggee <b>ku na</b>	Ñoo séen i ngëm rékki <b>ku na</b>	Ngir ñàkk gii ci <b>XARNU BI</b>
At moo ni ndax mooy tane da <b>aw</b>	Mooy gën a far dellu ganna <b>aw</b>	Ba rab yu aay yi sax di na <b>aw</b>	Ay Mbàkke! géesul <b>XARNU BI</b>
Wëy ! nu ni wëy! noo ka toro <b>x</b>	Yalwaan, amoo ku la sara <b>x</b>	Garab bu daanoo xob ya la <b>x</b>	Bàmba'ay danjaamal <b>XARNU BI</b>
Garab gu mag bu nee jiri <b>m</b>	Garab yu ndaw yi day jiri <b>m</b>	Méññat ma say mbir ya ëlë <b>m</b>	Lii rekk a dal waa <b>XARNU BI</b>
Allaahu akabaruz zam <b>aan</b>	Jamono moo man a saf <b>aan</b>	Xéewël yi daf daa walang <b>aan</b>	Ci ndabi mboolem <b>XARNU BI</b>
Libeek, sikkeek i sêhfar <b>aan</b>	Lan daa diwoo muy walang <b>aan</b>	Nuy xelli kopp ya di na <b>aan</b>	Wata ya kornu <b>XARNU BI</b>
Astaxfirul Laahal Azii <b>m</b>	Tuub nanu lan daa def i koo <b>m</b>	Te muy lu neexulan boroo <b>m</b>	Jurbel a wuuteek <b>XARNU BI</b>
Xeewal yi daf daa wal-wa <b>li</b>	Baawaan fi nun di kel-ke <b>li</b>	Moo tax ma jóg di pé <b>li</b>	Sëriñ bi geesul <b>XARNU BI</b>
Xeewal yi daf daa walang <b>aan</b>	Waxset nga wuute nga'ak say <b>aan</b>	Xamoo xur'ak tund'ak say <b>aan</b>	Sam ndox a naatal <b>XARNU BI</b>

Wàcci nga yaw loo mas a wax	Def nga ko jox ku mat a jox	Daawoo nu nax, daawoo nu cax	Séddon nga mboolem XARNU BI
Gàñcax gu ndaw gi weddatul	Mag ña nga yar ken woddatul	Moo tax ma naala suuxatal	Njëmbët li wan ci XARNU BI
Njëmbët la mooy gaa ya dikkon	Daa wéy ci xeewal ya fi won	Tay ñi ngi def ya ñu bawon	Ngir ñàkk gii ci XARNU BI
Ag ñàkk a bon ci waa ju baax	Day tas kërëm xolam ba jaax	Daa ceeb u tay ngay aña laax	Jaaxal na gaa yi XARNU BI
Leek-leek nga gis fi ab muriid	Muy taxawaalu ni'b mariid	Walla mu xàcc def tëriid	Ndaw njombe gaa yi XARNU BI
Ànd'ak komersaa ya di jaay	ñii di wajaaseeri baxaay	Te xamni yaa doon séen i baay	Moo tee nga naatal XARNU BI
Ña lee nga xàcc i defi seef	Ñii def i dag ngir bañ a loof	Ñii daw ba raw ba ni nu fuuf	Moo tee nga naatal XARNU BI
Yaw la nu yaakaar abadaa	Ngir yaa nu tàggaleek bi daa	Tuub nanu mboolem la nu daa	Bàkkaar ci njëkk XARNU BI
Yërëm nu tay yaru na nu	Dóotu nu fo, xàmme na nu	Dóotun nelaw, yewwu na nu	Yërëm nu naatal XARNU BI
Soo nu joxoon la nu yoran	Dóotu nu def ,nanu defan	Xanaa yëgooni yaru nan	Ku weddi laajal XARNU BI
Yërëm lu nan, torox lu nan	Jooy na nu ren, saraxtu nan	Soppeeku nan, jébbalu nan	Sarax nu naatal XARNU BI
Nun tuxu nan sun kër i baay	Gàddaay te def la ngën ji baay	Tuubaa di kër, bàmba'a di waay	Sëriñ bi geesul XARNU BI
Muriid yi saalit nanu ren	Ngir xamni yaa léen ame wan	Yaa léen joxon la nu yoran	Yobbu nga mbóoti XARNU BI
Tiijaan yi réccu nañu tay	Xam nañ ni bëy du sóoru boy	Yaa man a may nit lu ko doyy	Moo tee nga naatal XARNU BI
Bawal-bawal jolof-jolof	Mboolem pël'ak naar'ak wolof	Kenn gis a tul ku ame yëf	Sëriñ bi geesul XARNU BI
Koo xam ni daan a ame jaak	Daa ame àngaar'aki juuk	Mii at mu am déwén mu jéek	Sëriñ bi geesul XARNU BI
Ku mas a am yaar i wata	Soxla na ren jii yaar i mëta	De munta am njëg u mëta	Sëriñ bi geesul XARNU BI
Koo xam ni daan a ame taax	Tay ming ni ngeeju'b néek bu baax	Bu gën a feex bam ni ca faax	Sëriñ geesul XARNU BI
Kër yaa ngi wéet ba ni woyoŋ	Lal yañ yoroon def i koyonŋ	Ña doon i wuur def i koyonŋ	Sëriñ bi geesul XARNU BI
Tubaab yi sax pert nañu	Ña léen gëmoon pert nañu	Yahood yi it fayit nañu	Yal na ñu yées ci XARNU BI
Ña tukkiwan faf nañu laŋ	Fuñ wàcci deef i léen fa laŋ	Àdduna yaa ka noo we laŋ	Sëriñ bi geesul XARNU BI
Naar yaangi yalwaan'ak a xaar	Seex buñ xamoon dellu fa jaar	Ken talatul loo jox i naar	Sëriñ bi geesul XARNU BI
Wooy Mbàkke! yuuxu nan ba dee	Wallu nu boo yeexee nu dee	Melal ni kuy rammu ku dee	Yaa nuy tinul waa XARNU BI
Yaw yaay donoy Muhamma du	Te yor nga sirrub Ahma du	Te yor nga bóot i Haami du	Man ngaa defar waa XARNU BI
Man ngaa defar biteek i biir	Defar nga baadoola'aki buur	Yaa dindi àllarba'ak dibée r	Sàkk Muriidi XARNU BI
Man sa kanam, man sa gannaaw	Loo sant Yàlla mu ni waaw	Loo wax fa diiwaan ñu ni waaw	Wax léen ñu naatal XARNU BI
Sa mbir ëppante na'ak dërëm	Nde xarnu bépp am gërëm	Te am dërëm te yokku ngërëm	Nga may njariñ waa XARNU BI
Ma léebu ngaa yi la xamul	Waa ju xamul dees koy xamal	Subhaana, yaa ka mat kumal	Yaa neex a wan waa XARNU BI
Nan far waññee ku tagg daam	Ngir moo nu may lu jombi maam	Boolee'k Muriid yuy daw di raam	Ag cant a war waa XARNU BI
Bàmba muneef u laa misaal	Yaay géej gi wër waa senegaal	Deef u la jàlle genn gaal	Say duus a tooyal XARNU BI

Seex Bàmba yaa di'k mbàmbulaan	Ku sóobu dóotu ñaane naan	Ku màndi day démbaan i teen	Say kaas a màndal XARNU BI
Ku sóobu géennaaley dërëm	Békkoor bi dóot u dem kërëm	Ku ni curum kaasub ngërëm	Doo mar li des ci XARNU BI
Géejug hikkam ga mu dètëm	Bani ko sécc moo'k ñoñam	Maseef u caa nàndal ku xam	Toqan nga doy na XARNU BI
Luum loo na fóore ya wéyon	Raam loo na kàngam ya fi won	Daane na mbër ya fi newon	Amul niroo ci XARNU BI
Sirrüb andaar i xam-xamam	Museefu caa nattal wujjëm	Ayam ngi suural na'w ñoñam	Wujjëm amul ci XARNU BI
Fekkon na dab yi ni xareet	Mu soppo léen watay sareet	Duy léen ngénéel bañ ni sërreet	Wàccoo na moo'k waa XARNU BI
Taalif na móol yu fees i taax	Te xalimaam du juum du jaax	Te am xelam du gag du naax	Du fàtte lëf ci XARNU BI
Day duusu dong a yay dètëm	Duus yay jallaañoo ci'b dënnam	Mooy gééj gu ridwaan di'y jënam	Te mus la fer ci XARNU BI
Bàmba'a di gééj gu tàbbi gééj	Fekk fa gééj gu ni ko ngéej	Mu duy ca léer ya ba ni ngiij	Dellu si tooyal XARNU BI
Lu baax du baax ba jàll baax	Waaye Sëriñ bee weesu baax	Baax a ngi yam fi xotti baax	Baaxaale gaa yi XARNU BI
Waa ju la sopp dal di baax	Waa ju la weddi dóotu baax	Waa joo gërëm muy gën di baax	Waa yoo ko warna XARNU BI
Waayam du ñiit gariiti laax	Dóotul làmbooy sagar di daax	Loxoom du daarati ci mbaax	Ku weddi laajal XARNU BI
Ku weddi lii demal lagan	Iisaa di mbar moo man u gan	Yaa ramla wuute na'ak sa gan	Bàmba'a ko ñaak ci XARNU BI
Ngénéeli daam ya gën a tuut	Xel man u koo takk di root	Mbaa xalima'aki daa yu xóot	Lottal na mboolem XARNU BI
Xarbaax la raw na kuy xiy aas	Lu xel dajul deefu ko raas	Fugraas la rawna góoru faas	Sakkaa ñi teewe XARNU BI
Moo jar a way bañ a se law	Guddee'k bëccëg bañ a nelaw	Ba raw ñi daa wayal calaw (buur ya)	Ngir li mu def ci XARNU BI
Seex Bàmba yaa bariy njariñ	Fëriñ nga wuute ga'ak kërriñ	Sëriñ si yaa di séen sërriñ	Yaa man a leeral XARNU BI
Sëriñ si, ñoo doon fatafoor	Sondeel du mel ni'b limiyeer	Jant la moom fawxana weer	Leeram nga tiim na XARNU BI
Seex Bàmba yaa di'g màndawaar	Waaju la tàbbi dóotu réer	Yaay jant say gaa ya di weer	Leer ya gëndoo ci XARNU BI
Nun sóobu nan la jàlle nu	Waay Mbàkke! bul dem bàyyi nu	Yawmal Xiyaam yobbaale nu	Te yobbu mboolem XARNU BI
Seex bàmba yaay ngën ji ke no	Sa jën yi doy na ñuy dono	Soo doon fital di ag këno	Sa'y wal a (bal a) mokkal XARNU BI
Billaahi wéeru nan ci ya w	ñoy nan ci yaw lu man a xew	Ngir «urwarul wusqaa» du sew	Déesu ko dog ci XARNU BI
Seex Bàmba yaay ngën ji wu rus	Foo génn xàjar daaldi rus	Gor su la waaje dóotu rus	Doy nga takkaayal XARNU BI
Def nan la ngay sunu takkaay	Di sun bitik nu di la jaay	Yaa gën i baay gën i nejaay	Yaa gën xariit i XARNU BI
Seex Bàmba yaa di'b libidoor	Làmburde wuute na'aki cuur	Sëriñ si sóobu wuñ sa mboor	Nde kon ñu naatal XARNU BI
Seex bàmba yaa nu mat boroom	Fekkoo ci àddina moroom	Tooñoob boroom, tooñoob moroom	Tinul nu tooñ i XARNU BI
Buur Yàlla jox na la'y mid aay	Diiwaan ña xam nañu sa waay	Waajoo gërëm, kërëm du daay	Yaay kir-kiraanub XARNU BI
Seex Bàmba yaa di'b kir-kir aan	Ku jëm ca Yàlla na la ñaan	Soo doonu tur di «Alxuraan»	Yaa boole mbóot i XARNU BI
Def nan la geg bu deefi yéeg	Te def la mbër mu deefi déeg	Kelan mi, wub nga bër yi jéeg	Sebul ci mboolem XARNU BI
Yàlla'a la jiital ca qadiim	Tuddee la Ahmadul Xadiim	Jiitu na aadama'aki doom	Jiitu na gaa yi XARNU BI
Yawma ajaaba bi ba lee	Yéefar ya juum wuyoo walee/aa	La bàmba not ñu naa alee	Notaale góor i XARNU BI
Sirrüb dëggoom ba la ni naat	Ca doqi góor ña ñuy san aat	Ñépp ni nuut tàllal i baat	Ken yënguul ci XARNU BI
Mu jàll toog ca gàngun aay	Buur Yàlla ràng koy med aay	Diiwaan ba jox ko séen i gaay	Kerook la àtte XARNU BI

Billaahi Bàmba'a dim kela <b>ŋ</b>	Moo jàppu saytaane wela <b>ŋ</b>	Ba tër ko rendi fa gabon <b>ŋ</b>	Ñibbi si wax ko XARNU BI
«Qaatalu fil bahril la' <b>iin</b>	Kabkabuhuu nadbul ami <b>iin</b>	Ma'al amiini wal ami <b>iin</b> »	Moo ko waxon waa XARNU BI
Yonent ba'ak ahlubada <b>r</b>	Ñoo dàkku kaarce ya ko wër <b>r</b>	Saytaane nèrméelu di sér <b>r</b>	Làbbe ya daw ci XARNU BI
Gabonŋ ña xam na ñuy <b>biram</b>	Galwaa ña xam na ñuy <b>biram</b>	Làmbar ña seere nay <b>biram</b>	Seere sa wóor na XARNU BI
Kerook la làbbe ya ni waaw <b>w</b>	Maaràbbu bii bu leen ci gaaw <b>w</b>	Leeram gi sarna asamaaw <b>w</b>	Sar na ci suusi XARNU BI
Tubaab ya naa ko nan ma <b>roo</b>	Soldaar sa naa ko bun me <b>roo</b>	Làbbe ya naa ko bun wo <b>roo</b>	Ñibbil yilif nga XARNU BI
Tèngaale wuñ la asamaaw <b>w</b>	Bër yépp booloo nañ ni waaw <b>w</b>	Gurag yi lay nañ sa gannaaw <b>w</b>	Nde wub nga làmbi XARNU BI
Karaama yaa nu ko xama <b>al</b>	Màqaama yaa nu ko ama <b>al</b>	Kaaraanga yaa nu ko defa <b>al</b>	Yaa suturaal waa XARNU BI
Àll'ak kër'ak jaam'ak gor'ag/k	Ceddook sèriñ buur'aki dag <b>g</b>	Bokk'ak i jàmbar ñépp a jag <b>g</b>	Jaaraama daam ci XARNU BI
Luy nit ku ñuul'ak nit ku we <b>ex</b>	Diggante askan yu du je <b>ex</b>	Fu nekk daam def na fa se <b>ex</b>	Bu man a yor waa XARNU BI
Mbindéef yi yaa léen fal i buur <b>r</b>	Ku mas a xëy taal baboor <b>r</b>	Di xelli attaaya ju foor <b>r</b>	Fajoon nga aajoy XARNU BI
Soodaanu war nañ ni nërë <b>m</b>	Biidaanu war nañ ni na'am <b>m</b>	Ñépp di sant ak a gërë <b>m</b>	Ngir yaa defar séen XARNU BI
Ko-mersi naa la mersi ñ <b>oom</b>	Pël yaa nga naala «mujji-d <b>oom</b> »	Wolof ya naa «amoo mor <b>oom</b> »	Yaa dàmbe tagg i XARNU BI
Ken dóotu dox kem li nga do <b>x</b>	Ken dóotu wax kem li nga wa <b>x</b>	Ken dóotu jox kem ñi nga jo <b>x</b>	Daralewoon nga XARNU BI
Limaamu Shahaaneey kama <b>aal</b>	Tééréerm ba Bàmba lay misa <b>aal</b>	Giñ naa ni mooy aboo rij <b>aal</b>	Xutbu yawon ci XARNU BI
Mboolem xawsu ya weyon <b>on</b>	Yaa sóobu ngiir ya ñu aw <b>on</b>	Wommat nga «ruu» ya ñu yor <b>on</b>	Yeesal nga wirduy XARNU BI
Xaadir <b>u, yeesal ngay biram</b>	Tiijaan <b>u yeesal ngay biram</b>	Shazaliy <b>u, yeesal ngay biram</b>	Kuntiyu jox la XARNU BI
Lottal nga ñoñ sharii' <b>atu</b>	Jommal nga ñoñ haqiiq <b>atu</b>	Sa ngiir mi mooy tariiq <b>atu</b>	Moo gën a jub ci XARNU BI
Woroomurus yadaa a <b>ji</b>	Ak gaa ya daa siyaare <b>ji</b>	Yaa tax ñu daa siyaare <b>ji</b>	Sèriñ sa woon ci XARNU BI
Wommat nga naar yeek i wolof <b>f</b>	Xàllaat nga ngiirum tasawuuf <b>f</b>	Shariif yi yaa tee ñu shuru <b>f</b>	Jàlle nga léen ci XARNU BI
Roytéef i xarnu bi nga won <b>won</b>	Kiimaan i labdaal yi nga won <b>won</b>	Kiiraay i lawtaad yi nga won <b>won</b>	Ak nujabaa-uy XARNU BI
Xutbu yi, yaw lañ daa fe <b>goo</b>	Nattu ya góor ña daa te <b>goo</b>	Lashyaax yi yaw lañ daa sa <b>goo</b>	Bay laaj hidayay XARNU BI
Naar yaa ngi am hidaaya tay <b>y</b>	Tiijaan di laaj hidaaya tay <b>y</b>	Te musu ñoo weesu bu rë <b>y</b>	Yaw la ñu roy ci XARNU BI
Seex Bàmba, yaa di ab newe <b>t</b>	Sébbi nga tooyal gépp we <b>t</b>	Bay nga mu ñor, góob nga fa <b>t</b>	Man ngaa dundal waa XARNU BI
Dundal nu, noo di sa'g nja <b>boot</b>	Wodd nu, nee nu wàkk <b>boot</b>	Te suturaal nu, may nu mbó <b>ot</b>	Nee léen «amiin» yéen xarnu
Yaay fekk waay i njoro-ndi <b>aay</b>	Nga fal ko, boole kook i ga <b>aay</b>	Ni doom i Maam Sëynabu Nja <b>aay</b>	Làmp bi won ci XARNU BI
Muriid yi yaa yor séen ngërë <b>m</b>	Sèriñ si yaa yor séen xoro <b>m</b>	Biñ la gisul ñi'ng ni xere <b>m</b>	Fajal nu aajoy XARNU BI
Seex Bàmba yaa di ag nduyoora <b>r</b>	Sèriñ si ñoo doon njawli béer <b>r</b>	Waa ju la nemm falu buur <b>r</b>	Sa lem gi neex na XARNU BI
«Wa saabiquuna saabiquun <b>u</b> »	Yàllaay boroom «Kun fa yakuu <b>u</b> »	Ewwaaye gaay ya fi jëkkoo <b>u</b>	Ñoo yobbu mbóoti XARNU BI

Ña raflewoon wodd <b>na léen</b>	Ña reflewoon sedd <b>na léen</b>	Ruuh ya gëmon wommat <b>na léen</b>	Bañ wommataale <b>XARNU BI</b>
Ña ko bëggoon Seex <b>al na léen</b>	Ña ko bëñoon suu <b>xal na léen</b>	Ña xàddiwoon nee <b>xal na léen</b>	Bañ del si ànd'ak <b>XARNU BI</b>
Seex bàmba yaay ngayndeg njal <b>oor</b>	Ag ndaama sóobutil sa mb <b>oor</b>	Soo doonu weer di weeru <b>koor</b>	Mbaa weeru gàmмуw xarni bi
Fàddal nu ndaama yii di <b>daan</b>	Notal nu noon yii di nu <b>daan</b>	Jàggil nu mbër yii buñ nu <b>daan</b>	Te def nu mbër ci <b>XARNU BI</b>
Seex bàmba yaa matub Sëri <b>ñ</b>	Yaa xóoti mbir te yaa xara <b>ñ</b>	Waane wi yaa raw ab mara <b>ñ</b>	Say gaal a jàlle <b>XARNU BI</b>
Soppi nu ay wagook i g <b>aal</b>	Ten yab sa marsandiisi <b>haal</b>	Te yobbu góori senega <b>aal</b>	Def nub masin ci <b>XARNU BI</b>
Seex bàmba yaa matub sëri <b>if</b>	Mbàkkeek mbusoobe dootu soof <b>f</b>	Séen xol ya war na ni gari <b>if</b>	Maam Jaara tiim na <b>XARNU BI</b>
Siggil nga waa mbàkke bawal <b>al</b>	Mbàkke kajoor yaa léen bew <b>al</b>	Pénku bawal yaa léen def <b>al</b>	Lu tax ñu siiw ci <b>XARNU BI</b>
Mbàkke dimb'ak, mbàkke xew <b>ar</b>	Ak mbàkke baari, kër say <b>ar</b>	Saañanka bàmbaa leen def <b>ar</b>	Ba ñuy defar waa <b>XARNU BI</b>
Askanu kër maam maara <b>m</b>	Yaa tax ba waa ju ñu gërë <b>m</b>	Mu ber kërë <b>m</b> am i dërë <b>m</b>	Daagul rusoo ci <b>XARNU BI</b>
Daarus Salaam, Daarul Minan <b>n</b>	Daaru yi fii kulli zëma <b>n</b>	Yaa leen yoxon la ñu yoroo <b>n</b>	Ku weddi seetal <b>XARNU BI</b>
Yaa tax ñu dooni kàppit <b>aal</b>	Niroowu ñoo ki fàkk- <b>taal</b>	Am nañu barke am hala <b>aal</b>	Ñoo gàddu mboolem <b>XARNU BI</b>
Sa daaru yee di'y lóppit <b>aan</b>	Ku ràgg war na lay daga <b>aan</b>	Ku ñëw nga jox garab mu <b>naan</b>	Doktoor bi yaa faj <b>XARNU BI</b>
Ràggi xol'ak ràggi yara <b>m</b>	Yaa koy raggal joxey ngërë <b>m</b>	Jarak yi war nañ laa gërë <b>m</b>	Ngir yaa wéral séen <b>XARNU BI</b>
Fekkoon nga réew mi defi nd <b>ool</b>	Fekkoon nga ñépp defi <b>gool</b>	Yaa tax ba nuy niinal i <b>bool</b>	Yafal nga mboolem <b>XARNU BI</b>
Fekkoon nga ñii defi lafa <b>ñ</b>	Ñii daanu far ba ni fëlë <b>ñ</b>	Ñoo ku ñu ñaan jabar mu ba <b>ñ</b>	Ñii mel ni man ci <b>XARNU BI</b>
Yaa dikk jag ya fi dam <b>oon</b>	Jénganti mbir ya fi dëng <b>oon</b>	Yékkati néeg ya suufe <b>won</b>	Bañ man a ànd'ak <b>XARNU BI</b>
Amal nga gaa yu amul <b>on</b>	Xamal nga gaa yu xamul <b>on</b>	Feeñal nga mbir yi nèbbu <b>won</b>	Dekkal nga ruuhi <b>XARNU BI</b>
Sa waay du ñee waayi kane <b>en</b>	Sa waay du xàcci jëm fane <b>en</b>	Deesu la xam di gëm kane <b>en</b>	Sa diine doyna <b>XARNU BI</b>
Taxoon nga ruuh yi dajal <b>oo</b>	Te wootewoo, te fit <b>aloo</b>	Te wate woo ni kuy fal <b>oo</b>	Lislaam nga moome <b>XARNU BI</b>
Xàlloon nga ngiir mi ba mu we <b>ex</b>	Ku ci awoon mujj na se <b>ex</b>	Te masulaa jàdd aka je <b>ex</b>	Ba yobbu mboolem <b>XARNU BI</b>
Wommat nga ruuh yi jox bor <b>oom</b>	Sàmmal nga njur yi séen bor <b>oom</b>	Seex bàmba ken du sa mor <b>oom</b>	Yaa man a jàlle <b>XARNU BI</b>
Dekkal nga julliy jur <b>oom</b>	Ba ceddo yaangi jàppi w <b>oom</b>	Te fetaloo bañ ami g <b>oom</b>	Yaa wone diiney <b>XARNU BI</b>
Aw nga siraatal mustaqi <b>m</b>	Te boolewoo wal aki doo <b>m</b>	Ba àgg yaak sa yépp doo <b>m</b>	Tay ñi ngi wommat <b>XARNU BI</b>
Sunna si yaa ko dekkala <b>at</b>	Tërbiya yaa ko yeese <b>alaat</b>	Te alxuraan yaa ko fala <b>at</b>	Yaa bind loo won <b>XARNU BI</b>
Fekkon nga ñuy waññ ak a tu <b>ur</b>	Daa takk i ndomboy takk i cu <b>ur</b>	Yaa sampi daaru, fali w <b>ur</b>	Tasaare daaray <b>XARNU BI</b>
Soppi jigéen ñiy muslima <b>at</b>	Ñuy dawu góor ni muhsina <b>at</b>	Rékki takkaayi séen i ba <b>at</b>	Di muuru dëddu <b>XARNU BI</b>
Yaa tax nu daa sellali jë <b>f</b>	Yaa tax nu tekki nun wolof <b>f</b>	Yaa tax ba nuy woy di wali <b>f</b>	Xamal nga gaa yi <b>XARNU BI</b>
Jirim yi yaa don séeni ba <b>ay</b>	Baayo yi yaa doon séeni ya <b>ay</b>	Miskiin yi yaa doon séen nija <b>ay</b>	Yaay wéeruwaayu <b>XARNU BI</b>
Ku jooy fi yaw nga noppi lo <b>o</b>	Ku xiif fi yaw nga regg lo <b>o</b>	Ku mar fi yaw nga màndi lo <b>o</b>	Màndal nga góoru <b>XARNU BI</b>
Billaahi yaa mat li nga doo <b>n</b>	Noo seddu teggi cer bu du <b>un</b>	Wàccal, damul, langul te té <b>n</b>	Nde wub nga làmbi <b>XARNU BI</b>
Mboolem sahaabatu rasuul <b>l</b>	Ak bër ya daa tagg rasuul <b>l</b>	Melna ni bay nga séen i too <b>l</b>	Bayaale tool i <b>XARNU BI</b>
Ka'ab da daa tagg rasuul <b>l</b>	Bushayri daa tagg rasuul <b>l</b>	Hasaanu daa tagg rasuul <b>l</b>	Semmal nga léen ci <b>XARNU BI</b>

Yaa raw ña daa janook rasuul	Ngir yaa liggéey ba am wusuul	Ba def xaliifatu rasuul	Kawe nga mboolem XARNU BI
Yoon wamu aw ba raw mbindéef	Ba def donoy ngën ji mbindéef	Maneesu koo xamal mbindéef	Jomb na mboolem XARNU BI
Diggante mulkoo'k malakóot	Ba sar ca péey i jabaróot	Ken musla boole séen i bóot	Lut Bàmba bàjjob XARNU BI
Aras la daa gisee'k boroom	Kursiyu lay xamey soloom	Diiwaan la daa faley moroom	Di folli seef i XARNU BI
Moom la ñu may nuurul jalaal	Moom la ñu may nuurul jalaal	Mu boole koo'k sirrul kamaal	Leeram ya dar na XARNU BI
Gaa léer, ca lay jañe'y cibeel	Gii léer ca lay ñoddee'y ngënéel	Kamaal ga lay falee'y meteel	Seexal na mboolem XARNU BI
Yàlla la daa sukkandi koo	Yonen la daa jottali koo	Jibriil la daa dimbandi koo	Ba jot ci mbóot i XARNU BI
Téere ya lay wéttali koo	Durus nga lay moyandi koo	Pexe ya noon ya daa jagoo	Ba të na nooni XARNU BI
Taalif la daa jéfandikoo	Mahfuus la daa gàngandikoo	Hikkam la daa sukkandikoo	Moo nàndaloon waa XARNU BI
Tawhiid la daa xamali jaam	Hikaaya lay xéyee subaam	Riwaaya lay gonte nekaam	Du jëw du jànni XARNU BI
Fum toll day tagg rasuul	Du war watay dammi rasuul	Du werse boñ ci tarasool	Moo gën a wuuteek XARNU BI
Dem jàkk a moo ko tax a nuuj	Julli ji na fi'y ràkk a ba géej	Aj màkka mas na ko ni ngéej	Faadiilu aj na XARNU BI
Njool màkk a daal lay segeree	Soo ko tudaa mu daldi ree	Giñ naani daawu ñu soree	Jikkoom ya waar na XARNU BI
Fab na ca xayru lanbiyaa	Jikko yu raw yuy lawliyaa	Moo raw xiyaaru lasfiyaa	Dendam amul ci XARNU BI
Dëddoom gu mat gamu jagoo	Ak xam gu mat ga mu jagoo	Ak muñ gu rëy ga mu sagoo	Mus la tawat ci XARNU BI
Nattoom yu rëy yam daa tegoo	Te teewu koo ànd ak sagoo	Te amna bóot yu mu fegoo	Te du ko feg ci XARNU BI
Dunyaa da koo wanon gannaaw	Musula faale yamu laaw	Jublu ci Yàlla ne njanaaw	Wakkiirlu dëddu XARNU BI
Bëggul galan bëggul medaay	Bëggul lu ab tubaab di jaay	Jaayante na ak Yàlla sa waay	Gaño na mboolem XARNU BI
Bëggul fas ak nag ak galeem	Bëggul bay ak xar aki doom	Bëggu la am sàqi njuróom	Du jaay du jandal XARNU BI
Bëggu la am junni yu ron	Bëggu la dox di yor i bon	Moo mas a dox ba dem gabon	Dellu si fii ci XARNU BI
Dërëm du yàq ab deram	Wurus du tax mu ras bëtëm	Nawul dërëm xeebul përem	Moo gën a wuuteek XARNU BI
Dërëm xàmme wu kook xandeer	Diinaar xàme wu kook ganaar	Kuy waaru bàmba doyna waar	Cey Yàlla ! bàjjob XARNU BI
Mbindéef yi yépp a yam fi moom	Alal yi yépp a yam fi moom	Bëggul bañul xeebul du yéem	Mooy génn góor ci XARNU BI
Bawal-bawal akub ajoor	Sàmm aki baadooloo ki buur	Ku laaj mu jox la sa muur	Di nig li des ci XARNU BI
Mbàkke gënul fi moom guyaar	Kon ummi mbàkkeek taar ba kaar	Kon du ko may sèriñ guyaar	Xamul ku bon ci XARNU BI
Tabax, gënul fi moomi mbaar	Àngaar, gënul fi moom sabaar	Baari, gënul fi moom pataar	Kon du fa jug ci XARNU BI
Wolof, gënul fi moomi naar	Gànaar, gënul fi moom Mbaaar	Kon taaxi jurbel du fa jaaraar	Ba def jumaa ci XARNU BI
Wata, gënul fi moom saxaar	Mbaanik gënul fi moom daqaar	Rusul a yalwaan ak a xaar	Ba Yàlla jox ko XARNU BI
Màggat, gënul fi moom sixaar	Ndawit, gënul fi moom kibaar	Njaccaar, gënul gumba gu taar	Gu jox tumam ba XARNU BI



Bàmbaay boroom «kun, fayakuu <b>n</b> »!	Moo donn Ahmadu-I-Amiin <b>n</b>	Moo tax amul xejj ak i seen <b>n</b>	Mooy yèrmàndey waa XARNU BI
Baatin la daa fab di nu j <b>óor</b>	Du mere nit, ba di ko d <b>óor</b>	Mboolem jigéenam aku g <b>óor</b>	Defar na léen ci XARNU BI
Tarbiya, lay yarey gonee <b>m</b>	Tarqiya, mag ña won fa moo <b>m</b>	Tasfiya, Mbër yu deefi yée <b>m</b>	Bañ man a ànd'ak XARNU BI
Diraaya, lay xamal gonee <b>m</b>	Inaaya, moodi ay jikkoo <b>m</b>	Wilaaya, lay defal boroo <b>m</b>	Cofeel gu am ci XARNU BI
Cofeel gi, moo ma ko xamal <b>l</b>	Xam-xam bi, raw na sama xel <b>l</b>	Leeram gi, fees na sama xol <b>l</b>	Baawaan ci gaa yi XARNU BI
Moo tax ba dóotu ma selaw <b>w</b>	Cofeel gi, tee namaa nelaw <b>w</b>	Maa nguy wéréelu, ni gelaw <b>w</b>	Dóotu ma toog ci XARNU BI
Leeram gi, daal may tex-tex <b>aan</b>	Saa xol di dem, ba poro <b>xaan</b>	May naan ba màndi, coro <b>xaan</b>	Di buusu gaa yi XARNU BI i
Seex Bàmba, yaa di sun Im <b>aam</b>	Yaw la nu teg fa sunu ma <b>aam</b>	Yaw la nu doyloo, ba fa sa <b>aam</b>	Rammu nu, nook waa XARNU BI
Sèriñ si woon dañoo tex <b>em</b>	Ñoo way ne ñeex, ba xere <b>m</b>	Seex Bàmba, moo safon xoro <b>m</b>	Safaale gaa yi XARNU BI
Ku leen faboon, teg ci b <b>alaas</b>	Jël Bàmba, teg ca bee b <b>alaas</b>	Konte, mu wat séen i p <b>alaas</b>	Mbàkke! du maasam XARNU BI
Xawsu ya, mooy séen Yilima <b>aan</b>	Moo sàmmuwaanteek Alxur <b>aan</b>	Adiisi Yonen, ba rañ <b>aan</b>	Moo ko xamal waa XARNU BI
Moo am "fasaahatu lisa <b>aan</b> "	Laaya yi, moo xam seen cosa <b>aan</b>	Moo xam, la wàcce asama <b>aan</b>	Jëm si ci suusi XARNU BI
Moo am "maxaarijul huru <b>uf</b> "	Làmmeñu yaaram lañ ko roo <b>f</b>	Mooy waykatub gën ji mbindée <b>f</b>	Maay waykatam ci XARNU BI
Mooy "Muhjisaati adn <b>aan</b> "	Yuñ wàcce aaxirus sama <b>aan</b>	Di rammu xeet wu jëm jin <b>aan</b>	Tuubaa li ahli XARNU BI
Tuubaa, ñeel na kuy mur <b>riid</b>	Waylun, ñeel na kuy mar <b>riid</b>	Yal na nu Bàmba def mur <b>riid</b>	Neeleen "amiin" yéen XARNU BI
Jox naa ko fàww sama xol <b>l</b>	Saabub ngénéelamay setal <b>l</b>	Terub mbalaan i sama xol <b>l</b>	Fóotal nu gàkki XARNU BI
Bàmba, da ngay boroomi may <b>y</b>	Te nun, nu def woroom i moy <b>y</b>	Mootax nu sax ci di la wo <b>y</b>	Ndaxte, nga jéggal XARNU BI
Woyu nu ngir bëgg i d <b>ërëm</b>	Mbàkke, danuy sàkku ng <b>ërëm</b>	Ca bis ba Yàlla di y <b>ërëm</b>	Xeet wi newoon ci XARNU BI
Yaw mi laggeeyal sa boroo <b>m</b>	Ba am ngërëm "xayrul Xadii <b>m</b> "	Wàllil nu yaw ci say juró <b>m</b>	"Yawma yaquumu" XARNU BI
Tàbbal nu "jannatul na`ii <b>m</b> "	Ten dëkk fa'ak sa yépp doo <b>m</b>	Wuntu ya, yaa yor seeni doo <b>m</b>	Tijjil dugal waa XARNU BI
Ridwaan tijjil nala, nga wé <b>y</b>	Jox nala njéñdi yu la do <b>y</b>	Waaju la soob mu daal di wé <b>y</b>	Yaa ame caabiy XARNU BI
Nopplu jil ca «Illiyii <b>n</b> »	Yàlla gërëm nala'ak «Lamiin <b>»</b>	Yonen gërëm na la'ak ñenee <b>n</b>	Ak xulafaa-uy XARNU BI
{ Ak Mursaliina'ak Lanbi <b>yaa</b>	Ak taabi`iina'ak lawli <b>yaa</b>	Jinne ya'ak Malaayika <b>ya</b>	Gërëm nañook waa XARNU BI
Yural sa punk, te dem fana <b>an</b>	Diggante kawsara'ak jin <b>aan</b>	Nottil te lekk nag, te <b>naan</b>	Jaajëf! defar nga XARNU BI
{ Alhamdulillah na ngée <b>n</b> ;	Di sant rabbal `Aalamiin <b>n</b>	Doom a di baay kii du kane <b>n</b>	Man naa defar waa XARNU BI
Yaw mi laggeeyal Mustafaa <b>a</b>	Bul fàtte, amdi Mustafaa <b>a</b>	Ak doomi baayi Mustafaa <b>a</b>	Ñoo ame bóot i XARNU BI
Matna xaliifatul xadii <b>m</b>	Fees na plaa,s ba mat na doo <b>m</b>	Te amna xam-xam, ame koo <b>m</b>	Man naa musèl waa XARNU BI
Noppeek, goreek, tàllal ndijoo <b>r</b>	La moome saalum ak kajo <b>r</b>	Ku laaj, mu joxla lay sa muo <b>r</b>	Te musla gântul XARNU BI
Taafeeri njool aam <b>inata</b>	Yaa donn njool aam <b>inata</b>	Tuubaa di sun madi <b>inata</b>	Yaay weer wi tiim waa XARNU BI
Yaa neex a way, te neex a ta <b>as</b>	Ngir xarnu bii, amoo fi ma <b>as</b>	Li dale fii, ba weesu fa <b>as</b>	Yaw lañu jébbal XARNU BI
Raayaw ngénéel wi yaako yo <b>r</b>	Yaa teggi tuur ba, daw ba sar <b>r</b>	Ngir naaru góor ak fasu pa <b>r</b>	Rawante wuñ ci XARNU BI
Mboolem sixaarun wa kib <b>aar</b>	Yaa tax ñu tàbbi ci'g sax <b>aar</b>	Ba wàcc Tuubaa ngën ji ga <b>ar</b>	Noppal nga léen ci XARNU BI
Robino yaangi'y walang <b>aan</b>	Nuy naan ni kawsara'ak jin <b>aan</b>	Dóotu nu tàppaatuy say <b>aan</b>	Jaajëf! defar nga XARNU BI

Jumaa ji yaa ko taxawal	Yaa tee mu naaxsaay ni'w yoral	Naalam wi/u yal nang ko matal	"Aamiina" war na XARNU BI
Yaw la sulaymaan xamalon	Karyeer ba, doj ya ca deson	Jumaa ja bayti tabaxoon	Moom ngay defal waa XARNU BI
Daawuda Bàmba lay misaal	"Bayti-l-Muqaddasi" la naal	Wuy ji boroomam ba kamaal	Taaw ba defal ko waa XARNU BI
Ndommoy ngénéel ya won ca maam	Ya sētu kokki aki ndaam	Nga boole koo'k ngénéeli daam;	...Ràngoo, amoo ci XARNU BI
Muriid yi jox nala'y Idaay	Tubaab ya jox la'y mid aay	Sultaan nga boole koo'k wilaay	Yaa man a tàggat XARNU BI
Yàlla nangay muuram muriid	Te Yàlla booy, muuram mēriid	Bihaqi xaadirin muriid	Ndax Yàlla naatal XARNU BI
"Allaahu dhoo-l-fadlil aziiim"	Kum jox ngénéé, l deefi la yéem	Faadilu mooy "fadlu hamiim"	Turam wi, doyna XARNU BI
Mooy doomi "shamsun wa xamar"	Mbàkkeek, mbusóobe duñ ko jar	Moo nàmp yaari meeni ngor	Mooy Bàmba tay ci XARNU BI
Saddiiti baayam lay royaat	Leerug cosaan ga day royaat	Nday jaa di xayru muhsinaat	Moo donn mbóoti XARNU BI
Mooy noobalub lislalam fi nun	Mboolem shariif yi moo ci gēn	Donoy usaynu wal-Hasan	Maay xaadamam ci XARNU BI
Ma wax la lēf, ci ay jikkoom	Lewet, woyof, ànd'ak sagoom	Niru na baay ba, mat na doom	Ēmb na kersag XARNU BI XARNU BI
Dem na ba màkkam jullikaay	Haj na, siyaare ngēn ji baay	Te èndiwul alal di jaay	Nawleem amul ci XARNU BI
Taalif i baayam'ay wayam	Moo donn duusi xam-xamam	Moo naan ci géejug hikkamam	Sirroo ba, doyna XARNU BI
Yàlla na am lamuy mébét;	Ci nun, nu am li nuy mébét;	Ci moom, te yal nan am i sēt	Yu gēn a gēm waa XARNU BI
Nan tang ahmadul amiin	Moom lañu may sirrul masuun	Xarbaax la feese, bani guun	Baay baa ko lēm ci XARNU BI
Baatin ba, jaaxal na'w kajoor	Mootax ñu lēm ko jammi biir	Soo ko gisee ma ngay bangeer	Ni kuuy lu mat ci XARNU BI
Faj aajo, moo ci gēn a gaaw	Lum wax boroomam muni waaw	Day fal di folli ci lu gaaw	Matnaa ragal ci XARNU BI
Day way te jàngulon haraf	Te màndaxaam du ca shuruf	Mooman arab te man wolof	Jommal na mboolem XARNU BI
Fab na ca yaayam, yan yu diis	Te nduruwul boroomu tiis	Kuy rooti, moodi dex gu fees	Moo man a màndal XARNU BI
Sañ-sañ ba, lēnde na ci moom	Jagle ga jiitu na'b juddoom	Mbër mu ko sóoru daal di luum	Mbiram xajul ci XARNU BI
Rijaal ya ,xam nañ darajaam	Bu nee jalañ, ñuy safi jaam	Nërēm-nërēm, di safi mbaam	Raamal ko war na XARNU BI
Yal nañ ko may mbóoti lamiin	Fegal ko ayu bépp noon	Ku dégg ñaan, nani amiin	Ndax Yàlla naatal XARNU BI
Mbéng maangi! teeru leen bashiir	Donoy bashiiran wa nadhiir	Ku teeru naan, lekk ba suur	Doo ñàkk lēf ci XARNU BI
Moo am jalaal te am jamaal	Te xar kanam ga leer kamaal	Tem bari xam-xam am alaal	Buurika fiika XARNU BI
Taar ba ca yuusufal kariim	Ba buur ba fal ko def ko doom	Jigéen ja far tàngook sagoom	Manga'ak bashiirum XARNU BI
Ca ag rawam, la daal di raw	Fóore ya daa fireek a raw	Musula jaar ci yēfi ndaw	Musula faale XARNU BI (àdduna)
Sóobu na giirum tasawuuf	Ku ko rawon, neena la wi!	Moo raw ña xàllon moom a lef	Sakkaa ñi teewe XARNU BI
Ilmud Diraaya la jagoo	Mbirum `Inaaya la làkkoo	Nuurul wilaaya la sàngoo	Dendam amul ci XARNU BI

Durus ci téerey alxura <b>aan</b>	Mbaa muy julleek a jàngi ñ <b>aan</b>	Yooyu la baaxoo, te ku ñ <b>aan</b> ...	Mu mayla lëf ci <b>XARNU BI</b>
Yal nafi/u sax, ba dégg ma <b>am</b>	Te tol ni maam ahmadu da <b>am</b>	Te donn mbóot ya won ca da <b>am</b>	Ndax Yàlla naatal <b>XARNU BI</b>
Allaahu moodi jenn wa <b>ay</b>	Mooy jàpp doom, def ko ni <b>baay</b>	Ñu bokk bennu'b taxawa <b>ay</b>	Abdoo, di Bàmbam <b>XARNU BI</b>
Booko gisee muy sàmmand <b>ay</b>	Seex Bàmba, ñoo niroo'b jat <b>ay</b>	Niroo yaram, niroo sew <b>ay</b>	Niroo deret ci <b>XARNU BI</b>
Niroo doxiin, niroo waxi <b>in</b>	Niroo jëmm'ak meloo'k defi <b>in</b>	Buy ree nga waat ni du kenee <b>n</b>	Bàmba'a ñëwaat ci <b>XARNU BI</b>
Moodi wallax-njaanu jina <b>an</b>	Bu léen ko xool bët i kañ <b>aan</b>	Kañaan du tee béjjan a da <b>an</b>	Baayam a leeral <b>XARNU BI</b>
Moo donn tab, ga woon ca mo <b>om</b>	Moo donnn njàmbaar ga ca mo <b>om</b>	Séen baay a séddale'y jikk <b>oom</b>	Sédde ko lii ci <b>XARNU BI</b>
Baatin ba, raw na saah <b>iram</b>	Day gaaw a soppi ay mb <b>iram</b>	Mbir ma ca baayamay mb <b>iram</b>	Moo yor jaliili <b>XARNU BI</b>
Yal nañ ko dolli ay mur <b>iid</b>	Te yalna raw pexem mër <b>iid</b>	Te yalna mujj di'b fër <b>iid</b>	Ba tol ni gaayi <b>XARNU BI</b>
Nan ñaan ci Yàlla miy Sam <b>ad</b>	Mu may Sëriñ Abdu Sam <b>ad</b>	Te may Sëriñ Abdu Lah <b>ad</b>	Lu doy a doy waa <b>XARNU BI</b>
Ci bóoti "qul huwa fadhli <b>in</b> "	Sëriñ bu mag bi gën ci yé <b>n</b>	Yàlla bu séeni barke nee <b>n</b>	Ndax Yàlla naatal <b>XARNU BI</b>
Te yokk Abdul Qaad <b>iri</b>	Fii baatinin wa zhaah <b>iri</b>	Bijaahi baayu taah <b>iri</b>	Bam tol ni Jiilim <b>XARNU BI</b>
Te yal na Ibraahima mo <b>om</b>	Def'ab xariit fa sun bor <b>oom</b>	Ba jot ca bóot i turand <b>oom</b>	Ndax Yàlla naatal <b>XARNU BI</b>
Mboolem ñi dooni saalihii <b>n</b>	Ci sowwu jant, mbaa fenee <b>n</b>	Yàlla na saalihi di sée <b>n</b>	Jant bu tiim waa <b>XARNU BI</b>
Dundak So`aybu ga'ak, ala <b>aal</b> ;	Ju bari jaa'ak, jam daraja <b>aal</b>	Yal na ko Seex Bàmba mis <b>aal</b>	Ci sun So`aybum <b>XARNU BI</b>
Te maynu barke ak ri <b>dhaa</b>	Te sol ngërëm ci murta <b>dhaa</b>	Ba ku ko soob mu def qad <b>dhaa</b>	Haajaatihii, ci xarnubi
Te boole luy taaw ak i ñ <b>aat</b>	Góor ak jigéen, ci benn <b>baat</b>	Ndax Yàlla sun xarnu bi <b>naat</b>	«Aaamiina» warna <b>XARNU BI</b>
Mboolem lu Sayxu Bàmba am <b>m</b>	Yal nañu gën te yokku ngë <b>m</b>	Kon, leenu bokk ame nda <b>m</b>	Te am ngërëm ci <b>XARNU BI</b>
Muusaa ka miy séen wereka <b>an</b>	Moo léen di woy, di léen daga <b>an</b>	Tey sant, tey tagg ak a ñ <b>aan</b>	Ndax yàlla naatal <b>XARNU BI</b>
Waykat yi buñ yaboo ni xii <b>m</b>	Maa war di xaadimul xadii <b>m</b>	Damay muriid, di jaam, di doo <b>m</b>	Te gën a bon ci <b>XARNU BI</b>
Ngir Abdu Mbàkkem soxna MBA <b>Y</b>	Ak Maaram mi ñépp ñoy <b>y</b>	Mooy baayi-baayi sama nday <b>y</b>	Maa dikke nii ci <b>XARNU BI</b>
Saynabu Mbàkkem Absa nj <b>ay</b>	Ak Maaaram miy ngën ji <b>baay</b>	Mooy baayi-baayi sama y <b>ay</b>	Maa dambe yii ci <b>XARNU BI</b>
(Ma Abdu MBàkke mom Maam Maaram, mooy baayi Asta MBàkke, muy ndayi Absa Sekk mi jur Muusaa KA.		Batay Zaynabu MBàkke mom Maam Maaram, mooy ndayu Ahmadu Zaynabu, baayi Absa Sekk ndayi Muusaa KA)	
Man léebu naa leen, kàll <b>leen</b>	Woy naa wolof, ba làkk <b>leen</b>	Woy naa araab, ngir bëgg ngé <b>en</b>	Xam Bàmba, yeen waa <b>XARNU BI</b>
Woy naa ko Shëhru ramada <b>an</b>	Mi Yàlla wacce Alxur <b>aan</b>	Ngir bëgg lépp lu ma ñ <b>aan</b>	Yàlla defal ko <b>XARNU BI</b>
Jullil ci ngën ji `Adn <b>aan</b> ;	Muusaa, te ñaan ko; ba nu n <b>aan</b>	Géwal bu jaaxlee war a ñ <b>aan</b>	Ndax Yàlla naatal <b>XARNU BI</b>

**Aamiin! Allaahumma salli' alaa sayyidinaa Muhammadin wa aalihii wa sabbihi wa xayra xadiimihii wa sallama tasliiman, Subhaana rabbika rabbil' izzati' ammaa yasifuun wa salaamun' alal mursaliin.**

Aji Taalif ji: Sëriñ Muusaa KA Werekaanu Bàmba, (Xéewalug Yàlla ak mbégteem ci séen kaw)

Aji Bind ji: Abdu Xaadir GEY -Albadriyyu- mom Alaaji Sëriñ GEY BADAR.

Karmat: ÀqiSos ji (©) ñeel na Abdu Xaadir GEY, mu jagleele ko ñeel képp ku ko yittewoo ci ag jàppandal (ci lu dul fay) ngir Yàlla ak laabireente. Ammaa nag móol, walla sotti ko ngir jaay mbaa lu ni mel ñeel na Aji-Sos ji waliif keneen, kon war na sàkkoos ci ndigalëm.



DIEUREUDIEUF  
SERIGNE ABDOU  
KHADRE GUEYE  
CI MBINDE MI

DIEUREUDIEUF  
SERIGNE ABDOU  
KHADRE GUEYE  
CI MBINDE MI

